

**REGULAMENTO DE RÉXIME INTERIOR
DA SECCIÓN DE PSICOLOXÍA DA INTERVENCIÓN SOCIAL**

Introducción

É finalidade deste Regulamento de Régime Interior da Sección de Psicoloxía da Intervención Social do Colexio Oficial de Psicoloxía de Galicia ordenar o funcionamento organizativo da mesma.

Ten a súa referencia interpretativa nos Estatutos e no Regulamento Marco das Seccións Profesionais do Colexio Oficial de Psicoloxía de Galicia.

Artigo 1.

O nome da Sección é: Sección de Psicoloxía da Intervención Social do Colexio Oficial de Psicoloxía de Galicia.

Artigo 2.

A Sección ten como fins e funcións os expresados nos artigos 5 e 6 do Regulamento Marco, que aparecen así redactados:

2.1. Os fins de cada Sección deberán ser establecidos no seu regulamento. Deberán contemplarse, cando menos, os seguintes:

2.1.1. Potenciar o desenvolvimento científico, técnico e profesional do ámbito disciplinario da Sección.

2.1.2. Promover a cooperación e o intercambio de información e experiencia profesional entre os membros da Sección.

2.1.3. Promover a presenza institucional e en organizacións de carácter internacional e o intercambio con outras asociacións nacionais e estranxeiras do seu correspondente ámbito disciplinario e outros relacionados cos fins da Sección.

2.1.4. Velar polo exercicio competente da profesión no ámbito que lle é propio, e por unha práctica da profesión acorde co Código Deontolóxico do Psicólogo establecendo se é o caso os criterios ou requisitos de cualificación recomendables para un adecuado exercicio profesional.

2.1.5. Potenciar a investigación e a formación no ámbito propio da Sección.

2.1.6. Potenciar a proxección pública da profesión.

2.1.7. Calquera outro obxectivo que contribúa á consecución dos fins colexiais no ámbito profesional e científico propio da Sección.

2.2. As funcións que deban cumplir as Seccións deberán ser establecidas no seu Regulamento. Entre elas deberán contemplarse as seguintes:

2.2.1. Potenciar o desenvolvimento científico profesional a través da organización de actividades de intercambio científico e profesional (Congresos,

Páx. 2 de 7

REGULAMENTO DE RÉGIME INTERIOR SECCIÓN DE INTERVENCIÓN SOCIAL
(Aprobado en Xunta Xeral do COPG de 21/12/2001 e modificado en Asemblea Xeral de Colexiados-as do COPG de 01/12/2009)

Rúa Espíñeira, 10 baixo | Tel.: 981 534 049 | Fax: 981 534 983

15706 Santiago de Compostela

Xornadas, Cursos de formación etc.), das publicacións periódicas e non periódicas, do apoio e iniciativa na realización de investigacións ou estudos específicos, e doutras que, se é o caso, podan contribuír a esta fin.

2.2.2. Velar polo prestixio da profesión mediante a acreditación de profesionais e dos Programas de Formación de Posgrao dese ámbito específico, sendo a través das Seccións como se artellará a colaboración da organización colexial coa universidade e outras institucións, tanto para ditos programas como para a realización en xeral de prácticas profesionais regradas.

2.2.3. Informar a outros órganos de goberno do Colexio Oficial de Psicoloxía de Galicia, no ámbito das súas competencias, por iniciativa propia ou a petición destes.

2.2.4. Procurar a articulación e integración da actividade profesional creando grupos de traballo, desenvolvendo intercambios entre profesionais e estimulando a cooperación con outras Seccións.

2.2.5. Atender ao desenvolvemento da imaxe da profesión na área disciplinaria que lle é propia promovendo iniciativas de investigación das tendencias de evolución científico profesional, contribuíndo a clarificar e mellorar a imaxe da profesión, e realizando programas de actuación para mellorar o coñecemento público das características e beneficios dos servizos psicolóxicos no ámbito de intervención que lle é propio.

2.2.6. Cooperar con outras asociacións profesionais da mesma ou afins disciplinas.

2.2.7. Elevar propostas e informes á Xunta de Goberno para a formalización de acordos, convenios e outras formas de cooperación con entidades públicas ou privadas que teñan obxectivos similares.

2.3.E concretará as mesmas desenvolvendo as seguintes actividades:

2.3.1. Atención á calidade e rigor da práctica profesional dos/as Psicólogos/as que traballan na área de intervención social promovendo o desenvolvemento das accións de tipo organizativo e formativo necesarias para o seu incremento.

2.3.2. Edición de publicacións que constitúan un instrumento de comunicación e divulgación científica e profesional da Sección.

2.3.3. Difusión regular da información de interese relacionada co ámbito da Sección e con destino a todos/as os/as colexiados/as a través dos órganos xerais de información do Colexio, destinando a Xunta Directiva a un/unha corresponsal para tal fin.

2.3.4. Organización, por iniciativa propia ou convxuntamente con outras entidades e institucións, de sistemas de apoio á formación, investigación e difusión científicas na Psicoloxía da Intervención Social.

Páx. 3 de 7

2.3.5. Apoio á creación entre os membros da Sección de grupos de traballo estables para a investigación, a formación e intercambio científico. Para tal fin facilitará os medios organizativos dos que a Sección dispoña e asignará os medios económicos procedente, conforme ao previsto nos artigos 29 e 33 do Regulamento Marco.

2.3.6. Organización periódica de Xornadas de Psicoloxía da Intervención Social que considerarán no seu programa tanto cuestións científicas como profesionais.

2.3.7. Difusión do Código Deontolóxico e progreso no seu desenvolvimento estudiando e propoñendo as incorporacións propias que a práctica actual da Psicoloxía da Intervención Social necesita.

2.3.8. Estudo dos criterios e requisitos de cualificación recomendables para o desempeño profesional da Psicoloxía da Intervención Social.

2.3.9. Representación do Colexio cando así sexa necesario naquelas instancias públicas ou privadas que teñan como obxecto principal da súa actividade o benestar psicosocial e a calidade de vida.

2.3.10. Seguimento da evolución do colectivo profesional da Psicoloxía da Intervención Social e mantemento actualizado da información sobre o mesmo.

2.3.11. Cooperación con outras Seccións do Colexio Oficial de Psicoloxía de Galicia e con outras asociacións científicas e/ou profesionais relacionadas co obxecto e os fins da Sección para a consecución de obxectivos de interese común.

2.3.12. Realización de propostas e informes á Xunta de Goberno para o desenvolvemento das accións colexiais necesarias para o mellor cumprimento dos fins da Sección.

2.3.13. Estudo, informe e proposta das normas de orde legais que afecten ao desenvolvemento da Psicoloxía da Intervención Social.

2.3.14. Administración dos recursos dos que en dereito dispoña e goberno da actividade que lle é propia.

2.3.15. Organización de Xornadas de Psicoloxía da Intervención Social que considerarán no seu programa tanto cuestións científicas como profesionais.

Artigo 3.

Xunto ao previsto nos artigos 15, 16, 17, 18 e 19 do Regulamento Marco a Sección rexerase tamén polas seguintes concrecións das normas citadas:

Para ser membro da Sección acreditarase o desempeño profesional na Psicoloxía da Intervención Social, xa sexa na súa dimensión docente,

investigadora ou aplicada, ou ben a formación especializada na mesma a través de sistemas acreditados.

A solicitude de ingreso realizaraa o/a colexiado/a cumplimentando a solicitude prevista ao efecto á que engadirá a documentación certificativa da condición prevista no artigo anterior.

Artigo 4.

Os órganos de governo da Sección, ademais do xa previsto nos artigos 20, 21, 22, 23, 24, 25, 26, 27, 28 e 29 do Regulamento Marco, rexeranse polas seguintes normas:

A Asemblea de Socios/as da Sección reunirase polo menos anualmente previa convocatoria persoal aos membros da Sección, cun mes de antelación á súa realización e con expresión da orde do día e hora de primeira e segunda convocatorias. Así mesmo aprobará, cando proceda, e a proposta da Xunta Directiva, o nomeamento do/a Director/a e Consello de Redacción da publicación periódica da Sección.

A Xunta Directiva da Sección estará constituída polos cargos previstos no artigo 23 do Regulamento Marco.

A elección da Xunta Directiva realizarase, cando menos, cada catro anos a través de votación directa e secreta de listas pechadas con expresión de cargos, que serán presentadas como candidaturas á Xunta Directiva con 45 días de antelación como mínimo ao día de eleccións.

As eleccións á Xunta Directiva serán convocadas a través de comunicación persoal a todos os membros da Sección con tres meses de antelación ao día da súa realización. Estas eleccións serán no marco de Asemblea de Socios/as. A convocatoria de eleccións incluirá as normas de votación, o calendario electoral, os requisitos necesarios para concorrer como candidatura e os recursos que caberán ao proceso e prazos dos mesmos.

Un mes antes das eleccións a Xunta Directiva fará chegar aos membros da Sección a información sobre as candidaturas presentadas incluíndo, se fora o caso, as súa propostas de programas para a Sección.

A votación realizarase coas papeletas previstas ao efecto e non se admitirán como válidas aquelas que no sexan as oficiais ou estas últimas cando sufriran modificóns.

A Mesa Electoral será constituída pola Asemblea de Socios/as da Sección e formarana Presidente/a, Secretario/a e dous Vogais coas funcións que lle son propias. Tamén poderán participar nela un/unha interventor/a por cada candidatura con voz e sen voto.

O/A Secretario/a, co visto e prace do/a Presidente/a, levantarán acta da elección na que contará a composición da Mesa, os/as votantes que exerceron o dereito,

PÁX. 5 DE 7

REGULAMENTO DE RÉXIME INTERIOR SECCIÓN DE INTERVENCIÓN SOCIAL
(Aprobado en Xunta Xeral do COPG de 21/12/2001 e modificado en Asemblea Xeral de Colexiados-as do COPG de 01/12/2009)

Rúa Espinera, 10 baixo | Tel.: 981 534 049 | Fax: 981 534 983
15706 Santiago de Compostela

os votos recibidos por cada candidatura, os nulos e os votos en branco, e as incidencias e reclamacións.

Será elixida como nova Xunta Directiva a candidatura máis votada que tomará posesión nun prazo máximo de dous meses.

A Xunta Directiva xuntarase por convocatoria do seu/súa Presidente/a, por acordo unánime dos/as seus/súas integrantes, ou a petición dun tercio dos mesmos. Será convocada polo/a Presidente/a con 48 horas de antelación á súa realización como mínimo, especificando a orde do día, lugar de realización e hora da mesma.

Os seus acordos requirirán para ser válidos o voto favorable da metade máis un dos seus membros.

A Xunta Directiva poderá constituir unha Comisión Permanente formada polo/a Presidente/a, o/a Secretario/a e o/a Tesoureiro/a para a adopción de acordos e medidas urxentes cando así sexa necesario e que deberán ser refrendadas pola Xunta Directiva nun prazo máximo de sete días.

Artigo 5.

Ademais do xa previsto no regulamento Marco nos seus artigos 30, 31, 32, 33, 34 e 35, a Sección ordenará o seu réxime económico atendendo ás seguintes especificacións:

Anualmente a Xunta Directiva presentará para a súa aprobación pola Asemblea de Socios/as da Sección o Balance Económico do Exercicio Anterior e o Orzamento de ingresos e gastos para o seguinte.

A Sección establecerá unha cota anual para os seus asociados e asociadas que será revisada pola Asemblea de Socios/as da Sección cando a mesma o estime procedente. A cota abonarase conxuntamente co primeiro recibo anual do Colexio a principios de cada ano natural.

Ademais do que dispón o réxime de compensacións dos gastos que aos/ás asociados/as lle xere o desenvolvemento de actividades propias da Sección de interese xeral e para as que previamente fora elixido, as compensacións non poderán superar a contía do previsto no Réxime Xeral do Colexio e non poderán ter finalidade remunerativa.

A Sección establecerá o réxime da remuneración de actividades docentes ou de calquera outros de carácter laboral desenvolvidas para o cumprimento dos seus fins.

Artigo 6.

Os grupos de traballo previstos no artigo 2.5 deste Regulamento rexeranse para a súa constitución polo previsto a continuación:

Os promotores dirixirán a proposta á Xunta Directiva na que se especificarán os obxectivos para os cales se constitúe e as condicións de participación dos/as asociados/as nos mesmos. A Xunta Directiva contrastada a súa adecuación aos fins xerais da Sección adoptará a decisión de aprobación ou denegación da súa constitución como grupo oficial de traballo de Sección. De ser aprobado preverá as medidas de apoio oportunas para o desempeño da súa actividade.

A Xunta Directiva informará anualmente á Asemblea de Socios/as da Sección das decisións de aprobación ou denegación da creación de grupos de traballo e da Memoria de actividades destes.

Disposiciones Finais

Segundo o disposto no artigo 13 do Regulamento Marco das Seccións Profesionais do Colexio Oficial de Psicoloxía de Galicia aprobado pola Asemblea Xeral de Colexiados de 28 de maio de 2009, ao que está sometido este Regulamento de Régime Interior, será obriga dos órganos directivos da Sección atender aos requirimentos que se poidan efectuar por parte do Valedor dos colexiados e colexiadas, e correspondelle a Asemblea Xeral de Colexiados/as resolver calquer dúbida sobre a interpretación deste regulamento interno debendo pronunciarse sobre aspectos non regulados por el.

Propónese esta modificación do Regulamento de Régime Interior da Sección de Psicoloxía da Intervención Social á Asemblea de Socios/as da Sección do 14 de novembro de 2009, segundo o disposto no artigo 21.3 do mencionado Regulamento Marco das Seccións Profesionais.